

TITSARISELI TANIHI HI MUHAKELAXIBALO

Tsundzuka leswaku 'fomo ya ntsariso ya IT77 ya Vanhu hi vox'e' yi yimisiwile naswona ndlela yin'we yo titsarisela i ku endzela [rhavi ra SARS](#) laha mutirhi loyi a nga na xinghana a nga ta ku tsarisa eka sisiteme ya hina.

U nga se ya erhavini, tiyisisa leswaku u na tidokhumente hinkwato to seketela.

Tidokhumente to seketela leti landzelaka ta laveka:

1) Vumbhoni bya Vutitivisi:

- Tikhopi leti hlambanyiweke kumbe leti nga hlambanyiwangiki ta dokhumente ya vutitivisi leyi nga enawini, layisense yo chayela, phasipoto, dokhumente ya nkarhinyana ya vutitivisi, setifikheti ya valavi va vutumberi kumbe mpfumelelo kun'we na vutitivisi bya ntiyiso (dokhumente ya vutitivisi yi katsa xibukwana xa rihlaza lexi nga na bakhodi kumbe xikhadana xa ID)
- Eka xiyimo lexi muhakelaxibalo a nga lotsongo, khopi leyi hlambanyiweke kumbe leyi nga hlambanyiwangiki ya setifikheti yo velekiwa ya lotsongo kun'we na khopi ya dokhumente ya vutitivisi ya un'we wa vatswari/muhlayisi. Loko ku ri hava mutswari loyi a ha hanyaka, setifikheti yo tiyisisa rifu ya mutswari un'we yi fanele yi humesiwa hi muhlayisi loyi a nyikiweke vutihlamuleri.

2) Vumbhoni bya Adirese:

Tafula laha hansi ri nyika nongonoko wa tidokhumente leti nga ta amukeriwa hi SARS tanihi vumbhoni bya adirese ya vutshamo kumbe ya bindzu.

Dokhumente yi fanele yi kombisa swi vonaka vito ra muhakelaxibalo (ku nga va maletere yo sungula ya mavito (vito) na xivongo) na adirese ya ndzhawu.

	Nhlamuselo ya dokhumente	Nkarhi wo va nawini
1	TIAKHAWUNTI TA NTOLOVELO:	
1.1	Akhawunti ya vukorhokeri ku nga tihakelo na swibalo swa ka masipala, mati kumbe akhawunti ya gezi	Hansi ka vukhale bya 3 wa tinhweti
1.2	Akhawunti ya Vandla ra swa Dyondzo	Hansi ka vukhale bya 3 wa tinhweti
1.3	Xitatimende xa kho-opo (eka varimi)	Hansi ka vukhale bya 3 wa tinhweti
1.4	Xitatimende xa mpfuneto wa swa vutshunguri	Hansi ka vukhale bya 3 wa tinhweti
1.5	Xitatimende xa loni ya yindlo ku suka eka mulombisi wa loni ya yindlo	Hansi ka vukhale bya 6 wa tinhweti
1.6	Akhawunti ya riqingho (Tinetiweke hinkwato)	Hansi ka vukhale bya 3 wa tinhweti
1.7	Akhawunti ya hekexitroniki ya le gondzweni (e-Toll)	Hansi ka vukhale bya 3 wa tinhweti
1.8	Layisense ya thelevhixini ya SABC	Hansi ka vukhale bya lembe rin'we
1.9	Tiakhawunti ta nxaviselo wa vanhu (xik. Woolworths, Edgars, na swo tala)	Hansi ka vukhale bya 3 wa tinhweti
2	DOKHUMENTE LEYI HUMESIWEKE HI MFUMO:	
2.1	Tidokhumente ta layisense ya swifambo swa mimovha	Hansi ka vukhale bya lembe rin'we
2.2	Xileriso xa khoto	Hansi ka vukhale bya 3 wa tinhweti
2.3	Samanisi	Hansi ka vukhale bya 3 wa tinhweti
2.4	Hakelo wa le gondzweni	Hansi ka vukhale bya 3 wa tinhweti
2.5	Dokhumente leyi xakelanaka na hakelo ya UIF kumbe phenxeni	Hansi ka vukhale bya 3 wa tinhweti

3	DOKHUMENTE YA NDZINDZAKHOMBO NA VUVEKISI:	
3.1	Dokumente ya ndzindzakhombo ya Vutomi	Hansi ka vukhale bya lembe rin'we
3.2	Dokumente ndzindzakhombo ya nkarhi wo koma	Hansi ka vukhale bya lembe rin'we
3.3	Dokumente ndzindzakhombo ya rihanyo	Hansi ka vukhale bya lembe rin'we
3.4	Dokumente ya pholisi ya nkosi	Hansi ka vukhale bya lembe rin'we
3.5	Xitatimende xa vuvekisi xo suka eka nkavelo, photifoliyo kumbe yuniti thirasiti	Hansi ka vukhale bya lembe rin'we
4	NTWANANO WO LOMBISA/FURANCHAYISI:	
4.1	Ntwanano wa sweswi lowu nga enawini	

Fomo ya ntiyisiso wa Adirese ya Vutshamo bya Enthithi/Bindzu (CRA01) yi fanele yi tatiwa:

- Laha vumbhoni bya vutshamo byi nga eka vito ra munhu un'wana (xik. munhu un'wana handle ka vito ra muhakelaxibalo) CRA01 yi fanele yi tatiwa. U komberiswa ku tsundzuka leswaku vumbhoni bya adirese ya munhu un'wana yi fanele yi khomanisiwa eka CRA01.
- Papila kumbe CRA01 swi fanele swi tatiwa hi Hosi kumbe Mukhanselara loko ku ve muhakelaxibalo u tshama endzhawini leyi akhawunti ya ka masipala yi nga nyikiweki. Muhakelaxibalo u fanele a kuma papila ro suka eka Mukhanselara eka ndzhawu leyi va tshamaka eka yona. Hosi kumbe Mukhanselara a va laveki ku nyika vumbhoni bya vutshamo kumbe ID loko ku ve papila kumbe CRA01 i ya munhu wun'wana.
- Loko ku ve enthithi yi na mulawuri un'we/xirho lexi nga muyimeri wa muhakelaxibalo naswona bindzu ri endla vuxavisi ku sukela eka adirese ya muyimeri wa muhakelaxibalo, vumbhoni bya adirese ya vutshamo bya laveka. Laha ku nga na xirho/mulawuri wo tlula un'we naswona bindzu ri endla vuxavisi ku sukela eka adirese ya xirho/mulawuri un'we, CRA01 yi fanele yi tatiwa hi xirho/mulawuri un'wana.
- Hi leyi fomo: [CRA01](#). Tsundzuka vuxokoxoko byin'wana lebyi bohaka byi fanele byi tatiwa ku sungula hi kona u nga ta kota ku kandziyisa fomo.

3) Vumbhoni bya Vuxokoxoko bya Bangi:

- Papila ra ntiyiso leri sukaka ebangi leri nga ri ki na vukhale bya nhweti yin'we (30 wa masiku), leri tiyisisaka vito ra xinawu ra mukhomi wa akhawunti; nomboro ya akhawunti, muxaka wa akhawunti; khodi ya rhavi na siku leri akhawunti yi nga pfuriwa hi rona; kumbe
- Xitatimende xa ntiyiso xa le bangi kumbe xa ATM / Xitatimende lexi tumbuluxiweke eka Inthanete kumbe xitatimende xa ka ABSA lexi gandliweke hi xigandloxitironiki lexi nga ri ki na vukhale bya tinhweti tinharhu lexi tiyisisaka vito ra xinawu ra mukhomi wa akhawunti; nomboro ya akhawunti, muxaka wa akhawunti; khodi ya rhavi, laha swi faneleke, kumbe laha akhawunti ya bangi yintshwa yi nga pfuriwa naswona xitatimende xa le bangi xi nga ta ka xi nga humelerisiwi, papila ra ntiyiso ro suka ebangi leri nga ri ki na vukhale bya nhweti yin'we leri nga tsariwa eka papila leri nga na xigandlo xa bangi na xitempe xa ntiyiso xa bangi leri kombisaka siku leri akhawunti ya le bangi yi nga pfuriwa hi rona; kumbe
- Loko ku ve nsati/nuna a nga ri na akhawunti ya le bangi naswona a hlawula ku tirhisa vuxokoxoko bya le bangi bya muringani wa yena, khopi leyi hlambanyiweke ya setifikheti ya vukati ya laveka. Eka swiyimo swa Murhandziwa wa Vutomi Hinkwabyo, afidavhiti yi fanele ku humesiwa.

Loko u ta va u titsariserele no nyikiwa nomboro ya wena ya xibalo kutani u nga [titsarisela eFiling](#), leswi ku nga ndlela ya mahala na xihatla yo burisana na SARS.

Leswi u swi lavaka i khomphyutara na mfikelelo wa inthanete. Tanihi eFiler leyi titsariseleke u ta kota ku rhumela ntlheriso wa wena wa xibalo eka inthanete, ku endla tihakelo eka SARS na swo tala.